

Pakico registra na Camara di Comercio?

Tur negoshi ta obliga pa ley pa registra na KvK. Cualquier empresa cu ta eherce cualquier tipo di actividad comercial mester ta registra, no mas tarda cu un siman despues cu e cuminsa opera. Ordenanza di Fundacion ta stipula cu tur fundacion cu ta lanta di acuerdo cu ley di Aruba ta obliga pa regsitra na Camara di Comercio.

Mientras cu un negoshi o fundacion no ta aparece den registro, e propietario/ director/ miembro di directiva ta keda personalmente responsable pa tur accion na nomber di nan organizacion, incluyendo asunto legal y fiscal.

Bon pa sa

Informacion tocante compania por ser adapta, libre di pago, cuanto vez ta necesario. E formularionan ta disponible riba nos website.

Ta requeri pa ley pa mantene dato di compania al dia; pero varios vez tercer partido ta acerca KvK buscando partner local pa negoshi. No perde e oportunidad perfecto, tene dato di bo compania 'up to date'!

KvK di Aruba ta comunica mas tanto via email. Sigura di tin bo email registra!

Otro interesado hopi biaha ta consulta nos regsitro online en busca di informacion tocante negoshinan local.

KvK ta organisa mision comercial o ta ricibi invitacion pa compania local tuma parti den mision comercial internacional o otro expo, cu ta oportunidad interesante pa establece contacto di negoshi nobo.

KvK ta conseha gobierno riba proyectonan di ley riba topico relaciona cu negoshi, y bo comentario ta hopi aprecia.

Na nomber di comunidad empresarial di Aruba, KVK lo participa den varios evento y iniciativa, tanto local como internacional.

KvK ta conseha Ministro en cuanto otorgamento di permiso di establecimiento di negoshi, acuerdo cu criterio pre-defini disponible riba nos website. Manteniendo nos informa di bo plan y intencionnan lo yuda haci e proceso di consulta bay mas rapido.

Pa mas informacion tocante nos servicio o productonan, tuma contacto cu RegistroComercial y di Fundacion, o Business Information & Support na telefon +(297) 582.1566 o manda nos un email na registers@arubachamber.com or businessinfo@arubachamber.com

Kico Camara di Comercio Aruba por haci pa bo?



Camara di Comercio y Industria Aruba

J.E. Irausquin Blvd. 10

P.O. Box 140

Oranjestad, Aruba

Tel: (297) 582.1566

Fax: (297) 583.3962

www.arubachamber.com

businessinfo@arubachamber.com

registers@arubachamber.com

secretariat@arubachamber.com

Camara di Comercio y Industria Aruba

Camara di Comercio y Industria Aruba

Camara di Comercio y Industria (KvK) a keda oficialmente designa como e cuerpo representativo pa comercio y industria na Aruba riba 8 di september 1930, pa Gobernador Interino di Aruba.

Awe Camara di Comercio ta un institucion semi gubernamental autonomo, cu ta provee informacion y conseho – riba peticion o riba su propio iniciativa – di caracter social, financiero y economico, na interes general di comercio y industria, na gobierno di Aruba, na Ministro encarga cu Asunto Economico en especial y na e comunidad comercial di Aruba.

Banda di e obligacionnan aki, KvK ta responsable tambe pa administra y supervisa e Registro Comercial y e Registro di Fundacion.

Representacion General

Ta nos responsabilidad pa representa y promove interes di comunidad empresarial di Aruba na e mihor manera posible. Consecuentemente KvK ta provee varios servicio na esnan cu mester informacion en cuanto negoshi na Aruba.

E Registro Comercial y di Fundacion, y “Business Information & Support” ta e dos departamentonan cu ta ofrece servicio directo na nos clientenan. Banda di loque ta menciona especificamente aki bao, KvK tambe ta conseha gobierno en cuanto otorgamento di permiso pa establece negoshi. Nos conseho ta basa riba e ordenanza (ley) publica riba nos website, y ta orienta riba contribui na un estructura economico balansa.

Preocupacion y “feedback” di comunidad empresarial tambe ta altamente aprecia. E informacion aki ta ser pasa pa e instancianan apropia o por conduci na otro accion di KvK, incluyendo investigacion y/o publicacion.

Registro Comercial y di Fundacion

Registro Comercial y Registro di Fundacion ta dos registro publico separa cu ta tene informacion di tur negoshi y di tur fundacion.

Servicionan di Registro Comercial y di Fundacion

Registracion di negoshi local nobo.

Registracion di tur fundacion lanta na Aruba.

Cancelacion di negoshi o fundacion registra.

Registracion di miembro di directiva di fundacion, di director di compania, comisario o liquidador (vereffenaar).

Cambio liber y sin limite den datonan di compania y fundacion.

Provee extracto di registro (uittreksel).

Provee copia di reglamento, cambio o informacion historico di un compania o fundacion.

Legalizacion di formulario EUR-1. E formulario aki ta obligatorio ora ta exporta producto pa Antiyas Hulandes o pa Union Europeo, y ta obtenible na departamento di Aduana. Un legalizacion di e formulario pa Camara di Comercio ta necesario.

Certificacion di origen di mercancia pa exportacion. Esaki no semper ta obligatorio pero ora un compania scoge pa facie asina, e compania mes ta responsable pa elabora e formulario di certificacion nan mes. Si e certificado aki ta corecto, Camara di Comercio lo certifica esaki.

Provee cierto certificado o carta di recomendacion riba peticion.

Declaracion en cuanto registracion, introduccion, liquidacion o “good standing”, riba peticion.

Libre acceso na file o cuentanan anual di institucionnan financiero. Yama pa un cita pa departamento di Registro por tin e filenan cla pa bo.

Legalizacion di copia di reglamento y otro documento publico teni den file den Registro.

Business Information & Support (BIS)

BIS ta provee informacion y apoyo, den sentido reactivo y proactivo, na tur esnan cu ta interesa den negoshi na Aruba, tanto local como di exterior. Esaki ta ser haci di forma personal, via telefon/ fax y email: business-info@arubachamber.com.

Servicionan di Business Information & Support

Consulta libre en cuanto ser empresario, por ehemplo con pa lanta un negoshi.

Informacion tocante procedura y exigencia pa permiso di negoshi y otro informacion relaciona cu negoshi.

Charla teni pa orador profesional invita.

Publicacion di e revista trimestral di KvK: “Chamber News & Views”

Posibilidad pa huur diferente tipo di sala pa reunion den un ambiente profesional.

Organizacion di evento pa promove actividad empresarial, incluyendo mision comercial y un Expo anual.

Lista electronico o riba papel di compania registra na un prijs razonable.

E “Beginner’s Guide” di KvK.

Un “Multi Media Library” conteniendo revista, buki y otro material di investigacion.

Informacion en cuanto contacto cu negoshi na nivel Internacional.

Bishita www.arubachamber.com

Un registro online pa informacion rapido di negoshi y fundacion, segun sector economico o number di compania.

Formulario online pa adapta dato di compania.

Calendario di evento local y internacional.

Topico relevante di negoshi; incluyendo nos vision riba “Carrying Capacity”, criterionan di KvK pa establece negoshi, procedura di permiso pa negoshi, etc.

Informacion tocante Aruba, e mercado Arubano y otro topico relevante.